

**OKVIRNI SPORAZUM
SUKCESIVNA NABAVKA USLUGA KALIBRACIJE, VERIFIKACIJE I
SERVISIRANJA RADARA (LOT 1, LOT 2, LOT 3, LOT 4)**

Strane u okvirnom sporazumu:

**MINISTARSTVO UNUTRAŠNJIH POSLOVA KANTONA SARAJEVO – UPRAVA
POLICIJE, La Benevolencija br. 16, koju zastupa policijski komesar Generalni
inspektor policije Fatmir Hajdarević, (u daljem tekstu: Ugovorni organ)**

**i
Mibo komunikacije d.o.o. Sarajevo, Tvornička 3, ID broj: 4200470540005 kojeg zastupa
direktor Marko Boštjančič, (u daljem tekstu: Dobavljač)**

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14, 59/22 i 50/24) proveo otvoreni postupak za sukcesivnu nabavku usluga kalibracije, verifikacije i servisiranja radara za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 mjeseca;

- Okvirni sporazum ne predstavlja obavezu Dobavljača na zaključivanje ugovora o javnoj nabavci;

- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj PON-335/25 od 17.03.2025. godine za LOT 1, PON-336/25 od 17.03.2025. godine za LOT 2, PON-337/25 od 17.03.2025. godine za LOT 3, PON-338/25 od 17.03.2025. godine za LOT 4.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga kalibracije, verifikacije i servisiranja radara za potrebe Uprave policije Ministarstva unutrašnjih poslova Kantona Sarajevo, u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa za:

- LOT 1 -Usluge kalibracije i verifikacije, servisiranja i popravke radara i kućišta TraffiStar SR520;
- LOT 2 -Usluge kalibracije i verifikacije, servisiranja i popravke stacionarnog sistema za mjerenje brzine MultaRadar S/SD580;
- LOT 3 - Usluge kalibracije i verifikacije, servisiranja i popravke sistema Patrol G2;
- ~~LOT 4 - Usluge kalibracije i verifikacije, servisiranja i popravke ručnih laserских~~
uređaja za mjerenje brzine (Traffipatrol XR) i sistema za mjerenje brzine vozila sa video i foto zapisom (TruCAM II);

Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Vrijednost Okvirnog sporazuma bez uključenog PDV-a iznosi za:

LOT 1 - 84.970,00 (osamdesetčetirihiljadadevetstotinasedamdeset i 00/100) KM

LOT 2 - 15.410,00 (petnaesthiljadačetiristotinedeset i 00/100) KM

LOT 3 - 9.300,00 (devethiljadatristotine i 00/100) KM

LOT 4 - 50.900,00 (pedesethiljadadevetstotina i 00/100) KM.

Ukupna vrijednost ovog okvirnog sporazuma bez PDV-a iznosi 160.580,00 (jednastotinašezdesethiljadapetstotinaosamdeset i 00/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Pojedinačni ugovori unutar Okvirnog sporazuma mogu se zaključivati samo do iznosa ukupne vrijednosti Okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavi.

Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se izvršavati sukcesivno, u skladu sa potrebama Ugovornog organa.

Ugovorni organ će ugovorenu cijenu plaćati Dobavljaču u roku od 30 dana od dana uredno izvršene usluge i dostavljanja pojedinačne fakture, na tekući račun Dobavljača.

Član 5.

Dobavljač se obavezuje da ugovorenu uslugu izvrši u roku od jednog (1) dana od dana prijema narudžbenice, započevši najranije nakon obostranog potpisivanja ugovora.

Nakon izvršenja usluge koja je predmet ovog okvirnog sporazuma, ovlaštena osoba Dobavljača je obavezna ovlaštenoj osobi ispred Ugovornog organa dostaviti radni nalog za izvršene usluge. Radni nalog treba da sadrži: naziv firme, adresa, kontakt, broj, datum, nalogodavac, specifikaciju ugrađenih dijelova, izvršene usluge, normirano vrijeme koje je utrošeno za svako servisiranje pojedinačno. Radni nalog treba da je ovjeren i potpisan od strane ovlaštene osobe Dobavljača i potpisan od ovlaštene osobe Ugovornog organa.

O izvršenoj usluzi bit će sačinjen zapisnik o prijemu izvršenih usluga (čiji će sastavni dio biti radni nalog). Zapisnik se sačinjava u 2 istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe na izvršenu uslugu će biti konstatovane u zapisniku.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 dana od dana potpisivanja prvog pojedinačnog ugovora.

Član 6.

Dobavljač se obavezuje priznati reklamaciju na kvantitet i kvalitet izvršenih usluga, koja će biti proračunata zapisnikom o reklamaciji, uz obavezno navođenje nedostataka izvršene usluge i datuma i broja računa (otpremnice).

Usluga će se smatrati uredno izvršenom tek kada u zapisniku o prijemu bude konstatovano da je primopredaja izvršena bez primjedbi.

Ugovorni organ će ugovorenu cijenu plaćati Dobavljaču u roku od 30 dana od dana uredno izvršene usluge i dostavljanja pojedinačne fakture, na tekući račun Dobavljača.

Član 7.

Garantni rok za izvršene usluge je 3 (tri) mjeseca i počinje da vrijedi od datuma izvršenja usluge.

Garantni rok na ugrađene dijelove je u skladu sa uputstvom proizvođača i počinje da vrijedi od datuma ugradnje.

Član 8.

Dobavljač se obavezuje:

- da će savjesno, ažurno i u skladu sa pravilima struke obavljati usluge kalibracije, verifikacije i servisiranja radara;
- da raspolaže sa uređajima i opremom neophodnom za kalibracije, verifikacije i servisiranja radara;
- da je osoblje servisa osposobljeno za rad na kalibraciji, verifikaciji i servisiranju radara;
- da će usluge vršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge;
- da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 9.

Ugovorni organ je dužan dostaviti pismeno obavještenje o svakom propustu Dobavljača, a u skladu sa zapisnikom o reklamaciji iz člana 5. i 6. ovog okvirnog sporazuma, te u skladu sa preuzetim obavezama po osnovu ovog okvirnog sporazuma.

Ugovorni organ će utvrditi razuman rok za ispravak propusta Dobavljača u smislu izvršene usluge.

Ukoliko Dobavljač ne postupi po pismenom obavještenju iz stava (1) ovog člana ni u naknadno ostavljenom razumnom roku Ugovorni organ će jednostrano raskinuti ovaj Sporazum i tražiti naknadu nastale štete. O otkazu sporazumne strane se obavještavaju pismenim putem.

Dobavljač se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Član 10.

Ugovorni organ zadržava pravo raskida Okvirnog sporazuma ukoliko izvršena usluga roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Sporazumne strane su saglasne da svaka strana može jednostrano raskinuti ovaj okvirni sporazum i unutar njega zaključene pojedinačne ugovore i zadržati pravo na naknadu štete zbog raskidanja okvirnog sporazuma/ugovora u slijedećim slučajevima:

- ako Dobavljač kasni sa izvršenjem usluga, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati okvirni sporazum/ugovor (stečaj, likvidacija i sl.);
- ako neka od sporazumnih/ugovornih strana svoje dospjele obaveze ne ispuni ni u naknadno prihvatljivom roku za sve sporazumne/ugovorne strane;
- ako je iz okolnosti posla jasno da jedna od sporazumnih/ugovornih strana neće moći ispuniti svoju obavezu i onda kada bilo koja sporazumna/ugovorna strana izjavi da svoju obavezu neće ispuniti.

Obavještenje o jednostranom raskidu okvirnog sporazuma i unutar njega zaključenog pojedinačnog ugovora mora se dostaviti drugoj sporazumnoj/ugovornoj strani isključivo u pismenom obliku.

Član 11.

U slučaju kašnjenja u pružanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 0,03% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 12.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obaavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 13.

Ovaj okvirni sporazum se zaključuje na period od 24 (dvadesetčetiri) mjeseca, a stupa na snagu danom obostranog potpisivanja sporazumnih strana.

Član 14.

Ugovorni organ zadržava pravo raskida Okvirnog sporazuma ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 15.

Na ostala prava i obaveze ugovornih strana, koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 16.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.


Član 17.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se stvarna nadležnost Suda u Sarajevu.

Član 18.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
MIBO Komunikacije d.o.o


direktor
Marko Boštjančić

Broj : 02-026/25
Datum: 27.05.2025.


UGOVORNI ORGAN
MUP KANTONA SARAJEVO
UPRAVA POLICIJE
POLICIJSKI KOMESAR
Generalni inspektor policije
Fatmir Hajdarević

Broj: 02-11-4-995-7/25
Datum: 20.05.2025. godine